

Disediakan untuk: _____ Tarikh Cetakan: _____

LEMBARAN PENDEDAHAN PRODUK

(Sila baca Lembaran Pendedahan Produk ini sebelum anda membuat keputusan untuk membeli Insurans Allianz KampungKu. Pastikan juga anda telah membaca terma-terma dan syarat-syarat am.)

Penyedia Khidmat Kewangan : Allianz General Insurance Company (Malaysia) Berhad ("Allianz"/"Kami")
Nama Produk : Allianz Kampungku

1. Apakah produk ini?

Produk ini memberi perlindungan keatas bangunan dan/atau isi kandungan rumah.

2. Apakah perlindungan/faedah yang disediakan?

Apa yang Diinsuranskan	Jumlah yang Diinsuranskan (RM)
Perlindungan Kebakaran dan Kilat untuk Bangunan (pengecualian tapak bangunan) dan/atau Kandungan Isi Rumah	10,000
Faedah Tambahan	
Faedah Bantuan Kecemasan	
- Kebakaran atau - Banjir atau - Ribut angin	} mana-mana satu kerugian dan jumlah keseluruhan
	1,000
Faedah Bantuan Kecemasan	
- Kematian akibat kemalangan atau - Hilang Upaya Kekal atau - Perbelanjaan Pengembumian ke atas Pihak yang diinsuranskan atau satu (1) ahli keluarga terdekat	} mana-mana satu kerugian dan jumlah keseluruhan
	1,000

Nota: 1. Tempoh perlindungan ialah selama setahun. Anda dikehendaki membaharui polisi insurans anda setiap tahun.

3. Berapakah premium yang saya perlu bayar?

Jumlah premium yang anda perlu bayar adalah RM 75.00.

4. Apakah yuran dan bayaran yang perlu saya bayar?

Jenis	Amaun
Komisen yang dibayar kepada agen insurans	15% daripada premium
Setem Duti*	RM 10.00
Cukai Perkhidmatan	6% daripada premium

*Duti setem dikecualikan sehingga 31/12/2025. Selepas itu, duti setem RM10 perlu dibayar bermula 1/1/2026.

5. Apakah terma-terma dan syarat-syarat utama yang saya harus ketahui?

(a) Kepentingan Pendedahan

• **Kontrak Insurans Pengguna**

Menurut Perenggan 5 Jadual 9 di bawah Akta Perkhidmatan Kewangan 2013, sekiranya anda memohon insurans ini sepenuhnya bagi **tujuan yang tidak berkaitan dengan perdagangan, perniagaan atau profesion anda**, anda mempunyai kewajipan mengambil penjagaan munasabah supaya tidak membuat salah nyataan semasa menjawab soalan-soalan di dalam borang cadangan dan/atau semua soalan-soalan yang dikehendaki oleh Allianz dengan penuh dan tepat dan mendedahkan apa-apa perkara lain yang anda ketahui berkaitan dengan keputusan Kami dalam menerima risiko dan dalam menentukan kadar dan terma yang hendak dipakai, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

- **Kontrak Insurans Bukan Pengguna**

Menurut Perenggan 4(1) Jadual 9 di bawah Akta Perkhidmatan Kewangan 2013, sekiranya anda memohon Insurans bagi **tujuan berkaitan dengan perdagangan, perniagaan atau profesion anda**, anda mempunyai kewajiban untuk mendedahkan apa-apa perkara yang anda ketahui sebagai berkaitan dengan keputusan Kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

Kewajipan pendedahan ini bagi Kontrak Insurans Pengguna dan Bukan Pengguna akan berterusan sehingga masa kontrak tersebut dibuat, diubah atau diperbaharui. Anda juga mempunyai kewajiban memaklumkan kepada Kami dengan segera sekiranya pada bila-bila masa, selepas kontrak insurans dibuat, diubah atau diperbaharui dengan pihak Kami, sebarang maklumat yang diberikan adalah tidak tepat atau telah berubah.

- (b) Premium mesti dibayar dan diterima oleh Allianz dari tarikh permulaan polisi atau pembaharuan, jika syarat ini tidak dipatuhi maka kontrak ini dibatalkan secara automatik.
- (c) Apabila berlakunya apa-apa kerugian atau kerosakan ke atas Harta Yang Diinsuranskan, Pihak Diinsuranskan hendaklah segera memberikan notis secara bertulis kepada Allianz dan di atas perbelanjaannya sendiri dalam tempoh tiga puluh (30) hari selepas berlakunya kerugian atau kerosakan menyerahkan kepada Allianz tuntutan secara bertulis dengan butiran terperinci dan bukti yang dikehendaki secara munasabah.
- (d) Insurans akan berhenti diguna pakai jika bangunan yang diinsuranskan atau yang mengandungi Harta Yang Diinsuranskan tidak dihuni dan berkekalan sedemikian melebihi enam puluh (60) hari.

Nota: Senarai ini adalah tidak lengkap. Sila rujuk kepada Kontrak Polisi untuk terma-terma dan syarat-syarat yang lengkap di bawah polisi ini.

6. Apakah pengecualian utama di bawah polisi ini?

Polisi ini tidak melindungi kerugian tertentu seperti:

- Kerugian akibat kecurian semasa atau selepas berlakunya kebakaran;
- Perang, Perang Saudara dan apa-apa Tindakan Keganasan;
- Kerosakan secara langsung atau tidak langsung disebabkan oleh atau yang timbul daripada atau akibat daripada atau yang disebabkan oleh pancaran pengionan atau pencemaran radioaktif daripada sebarang bahan bakar nuklear atau daripada sebarang bahan buangan nuklear dari pembakaran bahan bakar nuklear; dan
- Kerugian Turutan.

Nota: Senarai ini tidak lengkap. Sila rujuk pada Kontrak Polisi untuk senarai penuh pengecualian di bawah polisi ini.

7. Bolehkah saya batalkan polisi ini?

Anda boleh membatalkan polisi ini dengan memberi notis bertulis kepada Allianz. Selepas pembatalan, anda layak mendapat pemulangan premium ditolak premium pada kadar tempoh singkat bagi tempoh polisi yang telah berkuatkuasa, tertakluk kepada premium minima yang ditahan oleh pihak kami.

8. Apa yang harus saya lakukan jika terdapat perubahan dalam butiran peribadi saya?

Adalah penting untuk anda memaklumkan kepada pihak Kami tentang sebarang perubahan dalam alamat dan butiran peribadi anda untuk memastikan bahawa semua surat-menyurat sampai kepada anda tepat pada masanya. Anda boleh memberitahu kepada ejen berdaftar, cawangan atau khidmat pelanggan Kami.

9. Bagaimanakah cara untuk saya membuat tuntutan?

Anda boleh melawati allianz.com.my untuk maklumat lebih lanjut. Anda dinasihatkan untuk menghantar tuntutan anda (jika ada) kepada Kami secepat mungkin.

10. Dari manakah boleh saya dapatkan maklumat yang lebih terperinci?

Sekiranya Anda memerlukan maklumat tambahan mengenai produk ini, sila rujuk kepada allianz.com.my

Untuk sebarang pertanyaan, hubungi Kami di:

Pusat Khidmat Pelanggan Allianz

Allianz Arena
Ground Floor, Block 2A, Plaza Sentral
Jalan Stesen Sentral 5, Kuala Lumpur Sentral
50470 Kuala Lumpur.

Pusat Hubungan Allianz: 1 300 22 5542

Emel: customer.service@allianz.com.my

  AllianzMalaysia

 allianz.com.my

11. Lain-lain jenis perlindungan insurans serupa yang disediakan:

Sila rujuk ke cawangan dan ejen-ejen kami bagi lain-lain jenis perlindungan serupa yang disediakan.

NOTA PENTING:

ANDA DINASIHATKAN UNTUK MEMBERI PERHATIAN MENGENAI SKALA FAEDAH-FAEDAH UNTUK HILANG UPAYA DALAM POLISI INSURANS ANDA. ANDA MESTI MENAMAKAN PENAMA DAN PASTIKAN PENAMA ANDA TAHU TENTANG POLISI KEMALANGAN DIRI YANG TELAH ANDA BELI. ANDA PERLU MEMBACA DAN MEMAHAMI POLISI INSURANS INI DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.

Informasi yang disediakan dalam lembaran pendedahan ini adalah sah pada 08/02/2023.